

Broj: 01-11-4-1225-12/25
Datum: 09.09.2025. godine

Na osnovu člana 64. stav (I), tačka b), član 25., člana 70. stav (3) i (6) Zakona o javnim nabavkama („Službeni glasnik BiH” broj:39/14, 59/22 i 50/24), član 8. Stav (2) tačka d), Pravilnika o uspostavljanju i radu Komisije za nabavke („Sužbeni glasnik BiH” broj: 103/14 i 49/23), Rješenjem o imenovanju Komisije za javnu nabavku broj: 01-11-4-1225-1/25 od 24.06.2025. godine na Preporuku Komisije za javnu nabavku broj: 01-11-4-1225-11/25 od 08.09.2025.godine, u postupku javne nabavke roba, provedenog na osnovu Obavještenja objavljenog na Portalu javnih nabavki pod brojem: 668-1-1-63-3-32/25 od 30.06.2025. godine, Federalni ministar raseljenih osoba i izbjeglica **d o n o s i:**

O D L U K U

o izboru najpovoljnijeg ponuđača

Član 1.

Prihvata se Preporuka Komisije za javnu nabavku broj: 01-11-4-1225-11/25 od 08.09.2025.godine, da se u cilju odabira najpovoljnijeg ponuđača po provedenom Otvorenom postupku javne nabavke roba – Nabavka informatičke i druge opreme za osnovne škole, Ugovor za javnu nabavku dodjeli ponuđaču Konzorcij: „Bosnien Business Systems“ doo Sarajevo i „Rebus“ doo Sarajevo, sa sjedištem u ul. Kranjčevićeva 39, 71000 Sarajevo JIB: 4200298380009 sa najbolje ocijenjenom i prihvatljivom Ponudom broj: 29-08-25 od 29.08.2025.godine za ponudenu cijenu u iznosu od 1.994.760,00 KM bez PDV-a, nakon provedene e-Aukcije.

Član 2.

Prijedlog Ugovora o nabavci dostavit će se na potpis izabranom ponuđaču Konzorcij: „Bosnien Business Systems“ doo Sarajevo i „Rebus“ doo Sarajevo,, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14, 59/22 i 50/24), u roku od 5 kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

Član 4.

Ova Odluka objavit će se na web-stranici Ugovornog organa (www.fmroi.gov.ba) istovremeno s upućivanjem Odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” broj: 39/14, 59/22 i 50/24).

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-11-4-1225/25 od 24.06.2025 godine.

Procijenjena vrijednost javne nabavke bez PDV-a je 2.000.000,00 KM. Javna nabavka je planirana u Planu javnih nabavki za 2025. godinu, za robe – Nabavka informatičke i druge opreme za osnovne škole, koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH” broj:39/14, 59/22 i 50/24). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14, 59/22 i 50/24). Predviđeno je zaključivanje Okvirnog sporazuma sa jednim dobavljačem.

Kriterij za ocjenu ponuda je "najniža cijena" tehnički zadovoljavajuće ponude. Obavještenje o nabavci broj: 668-1-1-63-3-32/25 je objavljeno na Portalu javnih nabavki (www.ejn.gov.ba) od 30.06.2025. godine, a Sažetak obavještenja o javnoj nabavci je objavljen u „Službenom glasniku BiH”, broj: 39/25 od 04.07.2025. godine.

Komisija za javnu nabavku imenovana je Rješenjem broj: 01-11-4-1225-1/25 od 24.06.2025. godine. Komisija za javnu nabavku dostavila je Zapisnik sa otvaranja ponuda broj: 01-11-4-1225-9/25 od 29.08.2025. godine ponuđačima, koji su dostavili ponude, putem elektronske pošte: amra.tabakovic@fmroi.gov.ba.

U zapisniku o pregledu i ocjeni ponuda utvrđeno je da je Komisija blagovremeno i pravilno izvršila otvaranje dostavljenih ponuda i ocjenu prispjelih ponuda, o čemu je sačinila odgovarajući Zapisnik, u kojem je utvrđeno sljedeće:

U skladu sa provedenim predmetnim postupkom javne nabavke iz člana 1 ove Odluke, svoje ponude dostavili su sljedeći ponuđači:

RB	Naziv i sjedište ponuđača	Datum i vrijeme zaprimanja ponude
1.	„Kodeks“ d.o.o. Sarajevo	29.08.2025. godine u 08:45h
2.	Konzorcij: „Bosnien Business Systems“ doo Sarajevo i „Rebus“ doo Sarajevo	29.08.2025. godine u 09:05h

Konstatovano je:

- da je ukupan broj pristiglih ponuda dvije (2),
- da je blagovremeno zaprimljeno dvije (2) ponude,
- da nije bilo neblagovremeno zaprimljenih ponuda
- da je broj prihvatljivih ponuda dvije (2)

Komisija za nabavku je utvrdila da sljedeće ponude ponuđača ispunjavaju sve zahtjeve postavljene u Tenderskoj dokumentaciji i to: „Kodeks“ d.o.o. Sarajevo i Konzorcij: „Bosnien Business Systems“ doo Sarajevo i „Rebus“ doo Sarajevo.

U skladu sa tenderskom dokumentacijom provedena je e-Aukcija dana, 05.09.2025.godine, sa početkom u 11,00 sati.

Nakon provedene e-Aukcije, Komisija za javnu nabavku je uz Zapisnik o pregledu i ocjeni ponuda, broj: 01-11-4-1225-10/25 od 05.09.2025.godine dala svoju Preporuku o izboru najpovoljnijeg ponuđača broj: 01-11-4-1225-11/25 od 08.09.2025.godine, da se pojedinačni Ugovor o javnoj nabavci zaključi sa ponuđačem iz člana 1 ove odluke.

U postupku donošenja ove odluke, posebno su cijenjene činjenice, da je Komisija pravilno i potpuno izvršila pregled i ocjenu prispjelih ponuda, shodno postavljenim uslovima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Žalitelj koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

MINISTAR

Nerin Dizdar

Dostaviti:

- Svim učesnicima u postupku:
„Kodeks“ d.o.o. Sarajevo i Konzorcij: „Bosnien Business Systems“ doo Sarajevo i „Rebus“ doo Sarajevo
- Komisija
- Sektor 02 (objava na web stranici Ministarstva)
- a/a